

СҮХБААТАР ДҮҮРГИЙН НУТГИЙН ЗАХИРГААНЫ БАЙГУУЛЛАГУУДЫН
2024 ОНЫ ЭХНИЙ ХАГАС ЖИЛИЙН ӨРГӨДӨЛ ГОМДЛЫН
ШИЙДВЭРЛЭЛТИЙН ТАЙЛАН

2024 оны 06 дугаар сарын 25

Улаанбаатар хот

Сүхбаатар дүүргийн нийт байгууллага, хэлтэс нэгжийн хэмжээнд 2024 оны 01 дүгээр сарын 02-ны өдрөөс 06 дугаар сарын 25-ны өдрийн байдлаар нийт 2446 өргөдөл хүсэлт ирсэн. Үүнээс хугацаандаа шийдвэрлэгдэж хариу өгсөн 2280, судлагдаж байгаа 146 өргөдөл хүсэлт байна. Хугацаа хэтрүүлж шийдвэрлэсэн 20 өргөдөл хүсэлт байгаа бөгөөд өргөдөл гомдлын шийдвэрлэлтийн явц 90.00 хувьтай байна.

Өргөдөл гомдлын шийдвэрлэлтийн дундаж хугацаа 8 хоног 8 цаг 54 минут байна.



2024 оны 1 дүгээр сарын 2-ны өдрөөс 6 дугаар сарын 25-ны өдрийг хүртэлх хугацаанд өргөдөл хүсэлтийг өдөрт нь багтаан хүлээж аваагүй, өдөрт нь багтаан шилжүүлээгүй, явцын тэмдэглэл хөтлөөгүй болон бусад 729 зөрчил бүртгэгдсэн байна.

Өргөдөл гомдлыг хандалтаар нь авч үзвэл:

Санхүү татварын тухай - 495
Нийгмийн даатгалын салбарын үйл ажиллагааны тухай-185
Газар чөлөөлөх тухай- 142
Газрын маргантай асуудлыг шийдвэрлэх тухай -103
Нийтийн эзэмшлийн гудамж, талбайн тохижилтын тухай- 84
Хоёр дахь шатлалын эрүүл мэндийн байгууллагын тусламж үйлчилгээний тухай- 58
Өрхийн эрүүл мэндийн тусламж, үйлчилгээний тухай-57
Ажилд орох тухай-55
Ажлаас чөлөөлөгдөх тухай-53
Бусад 1214 өргөдөл хүсэлт байна.

Өргөдөл гомдлын мэдээ тайланг улирал, сар болон тухай бүр гаргаж дээд шатны байгууллагад тайлагнан Дүүргийн Засаг даргын зөвлөлийн хурал, Засаг даргын Тамгын газрын даргын шуурхай хурлаар хэлэлцүүлэн ажиллаж байна.

Дээрх хугацаанд 20 өргөдөл гомдлыг хугацаа хэтрүүлэн шийдвэрлэсэн байна.

**СҮХБААТАР ДҮҮРГИЙН ЗАСАГ ДАРГЫН ТАМГЫН ГАЗРЫН
2024 ОНЫ ЭХНИЙ ХАГАС ЖИЛИЙН ӨРГӨДӨЛ ГОМДЛЫН
ШИЙДВЭРЛЭЛТИЙН ТАЙЛАН**

2024 оны 06 дугаар сарын 25

Улаанбаатар хот

Сүхбаатар дүүргийн Засаг даргын Тамгын газарт 2024 оны 01 дүгээр сарын 01-ний өдрөөс 2024 оны 6 дугаар сарын 25-ны өдрийн байдлаар нийт 642 өргөдөл хүсэлт ирсэн. Үүнээс хугацаандаа шийдвэрлэж хариу өгсөн 576, судлагдаж байгаа 63, хугацаа

хатруулэн шийдвэрлэсэн 3 өргөдөл хүсэлт байна. Өргөдөл гомдлын шийдвэрлэлтийн явц 90,00 хувьтай байна. Өргөдөл гомдлын шийдвэрлэлтийн дундаж хугацаа 11 хоног 7 цаг 32 минут байна.

Дээрх хугацаанд өргөдөл хүсэлтийг өдөрт нь багтаан хүлээж аваагүй, шилжүүлээгүй, явцын тэмдэглэл хөтлөөгүй гэх мэт 93 зөрчил бүртгэгдсэн байна.

Уг зөрчлийг бууруулах тал дээр анхаарч ажиллах талаар албан хаагч бүрт өдөр тутамд мэдээлэл хүргэн ажиллаж байна.

Өргөдөл	гомдлыг	хандалтаар	нь	авч	үзвэл
					Нийтийн эзэмшлийн гудамж, талбайн тохижилтын тухай -55
					Нийтийн эзэмшлийн гудамж, талбайн болон ТҮЦ павильон, ил задгай худалдаа үйлчилгээний тухай-43
					Сууц өмчлөгчдийн холбоодын үйл ажиллагааны тухай-42
					Явган хүний зам, талбайн тохижилтын тухай-30
					Мөнгөн тусламж хүсэх тухай-21
					Бусад-451

Иргэдээс ирүүлсэн өргөдөл, гомдлын дагуу авч хэрэгжүүлсэн арга хэмжээ:

Тохижилт нийтийн аж ахуйн чиглэлээр: 2024 оны 1-6 сарын хугацаанд 450 иргэнээс өргөдөл гомдол санал хүсэлт ирүүлсэн байна. Үүнээс иргэний 426 өргөдлийг ажлын 1-10 хоногийн хугацаанд шийдвэрлэж, өргөдөл гомдол санал хүсэлтийг хуулийн хугацаанд судалж байна.

Шийдвэрлэлт 94,6 % үзүүлэлттэй байна.

1. Хүрээлэн буй орчин тохижилт үйлчилгээтэй холбоотой 244 өргөдөл
2. Зам тээвэр, дэд бүтэц, инженерийн байгууламжийн тухай 49 өргөдөл
3. Барилга хот байгуулалт, ерөнхий төлөвлөгөөний тухай 12 өргөдөл
4. Орон сууц нийтийн аж ахуй, сууц өмчлөгчдийн холбооны тухай 65 өргөдөл
5. Төрийн үйлчилгээ, төрийн байгууллагын үйл ажиллагааны тухай 7 өргөдөл
6. Үйлдвэрлэл, худалдаа, үйлчилгээний тухай 4 өргөдөл
7. Зөрчил 69 өргөдөл

1.Хүрээлэн буй орчин тохижилт үйлчилгээтэй холбоотой өргөдөл, гомдол

2024 оны эхний 2 дугаар улиралд ил, задгай хог хаягдал, түүвэр хогийг цэвэрлэх иргэд аж ахуйн нэгж байгууллагуудын оролцоог нэмэгдүүлэх зорилгоор 02 дугаар сарын 02-ны өдөр, 3 дугаар сарын 22-ны, 04 дүгээр сарын 12-ны өдөр, 05 дугаар сарын 10-ны өдрүүдэд нийт 4 удаагийн их цэвэрлэгээний ажил явагдаж давхардсан тоогоор 7791 аж ахуй нэгж байгууллага, 15818 иргэн оролцож, 1084400м2 талбайг цэвэрлэж 1132,9 тонн хог хаягдлыг тээвэрлээд байна.



2024 оны 01 дүгээр сард дүүргийн 1-20 дугаар хороодын айл өрх, аж ахуй нэгж байгууллагын хог тээврийн нарийвчилсан хуваарийг Засаг даргын орлогчоор батлуулан Сүхбаатар дэвшил ОНӨААТҮГ, Сүхбаатар тохижилт ХХК, Сүхбаатар дэвшил менежмент ААТҮГ-н цэвэрлэгээ, үйлчилгээний ажилд Хороодын олон нийтийн байцаагч нараар байнгын хяналт тавьж байна.

Хог хаягдлын тухай хууль, Нийслэлийн иргэдийн төлөөлөгчдийн хурлын тэргүүлэгчдийн 63 дугаар тогтоолын хэрэгжилтийн ханган Сүхбаатар дэвшил ОНӨААТҮГ, Сүхбаатар тохижилт ХХК, Сүхбаатар дэвшил менежмент ААТҮГ-н цэвэрлэгээ, хог тээвэрлэлтийн үйлчилгээг тогтмол хийлгэн иргэнд хариу мэдэгдэн ажиллаж байна.



Нийтийн эзэмшлийн гудамж, зам, талбай, талбай гуу жалганд үүссэн хог хаягдлыг цэвэрлэх, гэрлийн шонг бохирдуулж наасан зарлал хуулах, айл өрх, аж ахуйн нэгж байгууллагуудын эзэмшил хашаа, талбай, нийтийн эзэмшлийн зам талбайд үүссэн хог хаягдлыг ачиж тээвэрлэх, халтиргаа гулгааг арилгах чиглэлээр иргэдийн ая тухтай, эрүүл орчинд амьдрах нөхцөлийг бүрдүүлэх зорилгоор “Цагаан сарыг угтсан бүх нийтийн их цэвэрлэгээ”-ний аяныг 2024 оны 02 дугаар сарын 01-ний өдрөөс 02 дугаар сарын 15-ны өдрийг хүртэлх хугацаанд зохион байгууллаа.

Аяны хүрээнд дүүргийн Засаг даргын 2024 оны 01 дүгээр сарын 30-ны өдрийн 02 дугаар албан даалгавар, аяны удирдамжийг иргэн, аж ахуйн нэгж байгууллагад хүргүүлж дараах ажлуудыг хийж гүйцэтгэлээ. Үүнд:

1. 2024 оны 02 дугаар сарын 02-ны өдөр бүх нийтийн их цэвэрлэгээ зохион байгууллаа.
2. Дүүргийн нутаг дэвсгэрийн хэмжээнд зам талбайн цэвэрлэгээ үйлчилгээний 5 байгууллага "Сүхбаатар дэвшил" ОНӨААТҮГ, "Сүхбаатар дэвшил менежмент" ААТҮГ, "Сүхбаатар тохижилт" ХХК, "Наши трейд" ХХК, "Шинэ цагийн зам" ХХК 21 техниктэй ажиллаж, хариуцсан бүсийн цэвэрлэгээнээс гарсан 423тн хар цасыг тээвэрлэсэн. 3.

Халтиргаанаас сэргийлж авто замын зорчих хэсэгт нийтдээ 33,5тн давс, 44м3 хайрга цацсан.

4. Дүүргийн хэмжээнд 120тн давс, 57тн бодис, 28м3 хайрга дайрганы нөөцтэй.

5. Дүүргийн 13 дугаар хорооны далан дунд үүссэн их хэмжээний цас, мөс, үүсмэл хог, барилгын хог хаягдлыг цэвэрлэж тээвэрлэх ажлыг 2024 оны 01 дугаар сарын 29-ний өдрөөс “Сүхбаатар дэвшил” ОНӨААТҮГ хийж гүйцэтгэж байна.

2024 оны 02 дугаар сарын 20-ны өдрийн байдлаар том оврын Хово машинаар нийт 780 рейс буюу 9360тн хог хаягдал, хар цасыг тээвэрлэлээ. Цэвэрлэгээ, тээвэрлэлтийн ажил үргэлжилж байна.

6. Сүхбаатар дүүргийн 14 дүгээр хорооны далан дагуу хуримтлагдсан 30 тонн хур хог хаягдлыг ачиж тээвэрлэсэн.

7. Гэрэлтүүлгийн 46 Шонд тагжуулалт, 286 гэрэлтүүлгийн толгойн засвар, 3 самбарын коллектор, 3 самбарт соронзон пускатал солих, 7 ширхэг шит засах, 181м Сип утас сольсон.



Сүхбаатар дүүргийн нутаг дэвсгэрт золбин нохой, муурын тоо толгойг бууруулах ажлыг “Базалт нэгдэл” ХХК-тай гэрээ байгуулан гүйцэтгүүлж байна.

Нохой устгалын ажлыг хороодоос ирсэн дуудлагын дагуу өдөр бүр хийж гүйцэтгэж байна. 2024 оны 04 дүгээр сараас эхлэн сард 2 удаа 11-20 дугаар хорооны нутаг дэвсгэрт нэгдсэн нохой, устгалын ажлыг зохион байгуулж байна. 2024 оны 1 дүгээр сард 644 ширхэг эзэнгүй нохой, муур 2 дугаар сард 318 нохой, муур, 3 дугаар сард 1001 нохой, 4 дүгээр сард 891 нохой, 5 дугаар сард 1100 нохой нийт 3954 эзэнгүй нохой муурыг устгасан байна.

Эзэнгүй нохой муур барих ажлыг 2024 оны 1 дүгээр сарын 23-ны өдөр зохион байгуулж дүүргийн 11 дүгээр хороо-4 муур, 12 нохой, 12 дугаар хороо-2 муур, 20 нохой, 13 дугаар хороо-11 муур, 17 нохой, 14 дүгээр хороо-35 нохой, 16 дугаар хороо-32 нохой, 17 дугаар хороо-4 муур, 16 нохой нийт 158 нохой, 33 муурыг барьсан.



2.Зам тээвэр, дэд бүтэц, инженерийн байгууламжийн тухай өргөдөл, гомдол

Зам тээвэр, дэд бүтэц, инженерийн байгууламжийн тухай ирсэн санал, хүсэлт гомдлыг шийдвэрлэхдээ Нийслэлийн шуурхай удирдлагын төв, Нийслэлийн замын хөгжлийн газар, Улаанбаатар зам засвар ОНӨААТҮГ болон мэргэжлийн инженерийн байгууламж хариуцсан байгууллагад тухай бүр албан бичиг болон хариуцсан дуудлага хүлээн авах төвд дуудлага өгч засвар үйлчилгээнд хяналт тавин иргэнд хариу мэдэгдэн ажиллаж байна.

3. Барилга хот байгуулалт, ерөнхий төлөвлөгөөний тухай өргөдөл гомдол

Барилга хот байгуулалт, ерөнхий төлөвлөгөөний тухай ирсэн өргөдөл гомдлыг Газар дээр нь очиж нөхцөл байдалтай танилцан холбогдох дээд шатны байгууллага болон дүүргийн газар зохион байгуулалтын алба, мэргэжлийн хяналтын хэлтэс болон инженерийн байгууламж хариуцсан мэргэжлийн байгууллагад хандан шийдвэрлүүлж иргэнд хариу өгч ажиллаж байна.

4.Орон сууц нийтийн аж ахуй, сууц өмчлөгчдийн холбооны тухай өргөдөл гомдол

Орон сууц нийтийн аж ахуй, сууц өмчлөгчдийн холбоотой гомдлыг Сууц өмчлөгчдийн холбооны эрх зүйн байдал, нийтийн зориулалттай орон сууцны байшингийн эд хөрөнгийн тухай хуулийн дагуу газар дээр нь очиж тулгамдаж буй асуудлыг шийдвэрлэн ажилласан

Үүнд: -Хог тээвэрлэлт

- Гадна орчны цэвэрлэгээ, үйлчилгээ
- Төлбөр үндэслэлгүй нэмсэн
- Хүүхдийн тоглоомын талбайн засвар үйлчилгээ
- Тайлангийн хурлаа хийхгүй

Зөрчил

2 дугаар улирлын байдлаар иргэдээс дараах өргөдөл гомдол ихээр ирсэн байна.


Үүнд:

- 1 Гудамж талбайн гэрэлтүүлэг түүнтэй холбоотой зөрчил
- 2 Сууц өмчлөгчдийн холбооны үйл ажиллагааны тухай
- 3 Хог цэвэрлэгээ, тээвэрлэлтийн тухай
- 4 Хог тээвэрлэлт, түүнтэй холбоотой зөрчил
- 5 Золбин нохой, түүнтэй холбоотой зөрчил
- 6 Өөрийн эзэмшлийн газарт ёуурийн ажил эхлэх зөвшөөрөл

1. Гудамж талбайн гэрэлтүүлэг түүнтэй холбоотой зөрчил

Иргэдээс ирүүлсэн гомдлын дагуу гэрэлтүүлгийн ашиглалт хариуцсан байгууллагад утсаар мэдэгдэх мөн албан бичгээр хандаж засварлуулах ажлыг зохион байгуулж байна.

1. Дүүргийн нутаг дэвсгэрийн нийтийн эзэмшлийн гудамж зам талбайн 7450 ширхэг



гэрэлтүүлэг, төв авто зам дагуух 4437 ширхэг гэрэлтүүлгийн арчлалт хамгаалалтыг Гэрэлтүүлэг чимэглэл ХХК, Спейшл тим ап ХХК, БМЖЛ ХХК-иуд хариуцан ажиллаж байна. Гэрэлтүүлгийн асалт, арчлалт хамгаалалтын ажлын гүйцэтгэлийг гэрээнд заасан нөхцлийн дагуу сард 3 аас доошгүй удаа хяналт шалгалтын ажлыг зохион байгуулж,

иргэдээс ирүүлсэн мэдээллийн дагуу засвар үйлчилгээг тогтмол хийж байгаа бөгөөд гэрэлтүүлгийн асалт 99,2%-тай байна.

2. Орон сууц нийтийн аж ахуй, сууц өмчлөгчдийн холбооны тухай өргөдөл гомдол
Орон сууц нийтийн аж ахуй, сууц өмчлөгчдийн холбоотой гомдлыг Сууц өмчлөгчдийн холбооны эрх зүйн байдал, нийтийн зориулалттай орон сууцны байшингийн эд хөрөнгийн тухай хуулийн дагуу газар дээр нь очиж тулгамдаж буй асуудлыг шийдвэрлэн ажилласан Үүнд: -Хог тээвэрлэлт

-Гадна орчны цэвэрлэгээ, үйлчилгээ


-Төлбөр үндэслэлгүй нэмсэн

-Хүүхдийн тоглоомын талбайн засвар үйлчилгээ

-Тайлангийн хурлаа хийхгүй

3. Хог цэвэрлэгээ, тээвэрлэлтийн тухай

Сүхбаатар дүүргийн Засаг даргын 2024 оны 01 дүгээр сарын 11-ний өдрийн А/10 дугаар захирамжаар 2024 оны 01 дүгээр сараас хороо тус бүр дээр 2 иргэдийн бүлгийн ажилчид сар бүр урамшуулал авч хорооны нутаг дэвсгэрийн ил задгай түүвэр хог хаягдлыг цэвэрлэн ажиллаж байна.



Дүүргийн 1-20 дугаар хорооны нийтийн эзэмшлийн 164 байршлын 420158м2 зам талбайн цэвэрлэгээ үйлчилгээг Сүхбаатар дэвшил ОНӨААТҮГ, Сүхбаатар дэвшил менежмент ААТҮГ, Сүхбаатар тохижилт ХХК хийж ажлын гүйцэтгэлд сард 4-5 удаагийн давтамжтайгаар хяналт тавин ажиллаж байна.

Хог хаягдлын тухай хууль, Нийслэлийн иргэдийн төлөөлөгчдийн хурлын тэргүүлэгчдийн 63 дугаар тогтоолын хэрэгжилтийн ханган Сүхбаатар дэвшил ОНӨААТҮГ, Сүхбаатар тохижилт ХХК, Сүхбаатар дэвшил менежмент ААТҮГ-н

цэвэрлэгээ, хог тээвэрлэлтийн үйлчилгээг тогтмол хийлгэн иргэнд хариу мэдэгдэн ажиллаж байна.

4. Хог тээвэрлэлт, түүнтэй холбоотой зөрчил

Сүхбаатар Дэвшил ОНӨААТҮГ нь хог тээвэрлэлтийн зуны хуваарьт шилжиж дүүргийн 3, 4, 5, 7, 8, 10, 11, 19 дүгээр хороодын хог тээвэрлэлтийг өглөөний 04 цагаас 05 цагийн хооронд эхлүүлэн төв зам болон ачаалал ихтэй байршилын ачилтыг түрүүлж хийх үүрэг чиглэлийг өгж ажиллаж байна.

Мөн 13, 18, 20 дугаар хороодын хог тээвэрлэлтийг өглөөний 06 цагт эхлүүлэн ажиллаж байна.

Сүхбаатар дэвшил менежмент ААТҮГ 6, 9 дүгээр хороодын хог тээвэрлэлтийг зуны хуваарийн дагуу өглөө 02:00 цагаас, 12, 14, 16 дугаар хороодод бусад автомашин өглөө 05:00 цагаас ачилтуудыг хийж эхэлдэг.

Сүхбаатар тохижилт ХХК 1, 2 дугаар хороодын хог тээвэрлэлтийг 19.00-07:00 хүртэл, 15, 17 дугаар хороодын хог тээвэрлэлтийг өглөө -06:00 цагаас тээвэрлэж байна.

Нийгмийн хөгжил хамгааллын чиглэлээр:

2024 оны 06 дугаар сарын 25-ны өдрийн байдлаар 98 өргөдөл, хүсэлт ирсэн байна. Үүнд:

№	Өргөдөлийн утга	Нийт ирсэн өргөдлийн тоо	Үүнээс	
			Хугацаандаа шийдвэрлэсэн	Хүлээгдэж байгаа
1.	Хүүхдэд асран хамгаалагч, харгалзан дэмжигч тогтоолгох тухай	8	8	
2.	Хүүхдэд үрчлэлт тогтоох тухай	20	20	
3.	Ахмад настан, хөгжлийн бэрхшээлтэй иргэнд харгалзан дэмжигч тогтоох тухай	16	16	
4.	Ахмадын асрамжийн төвд асруулах тухай	1	1	
5.	Гэр хүссэн	14	10	4
6.	Буцалтгүй мөнгө, яаралтай тусламж, эмчилгээ, нийгмийн халамж хүссэн	20	16	4
7.	Тэмцээний зардалд дэмжлэг хүссэн	9	6	3
8.	Талархал	4	4	
9.	Ерөнхий боловсролын үйлчилгээний тухай	1	1	
10.	Барилга, байгууламж барих, өргөтгөх тухай	1	1	

10.	Нийтийн эд аж ахуйн ашиглалт, үйлчилгээний тухай	3	3	
12.	Том оврын тээврийн хэрэгслийн зөрчлийн тухай	1	1	
	Нийт	98	87	11

Өргөдлийг шийдвэрлэлтийн талаар дэлгэрэнгүй мэдээллийг танилцуулахад: Үүнд:

№	Өргөдөлийн утга	Шийдвэрлэлтийн талаарх дэлгэрэнгүй мэдээлэл
1.	Хүүхдэд асран хамгаалагч, харгалзан дэмжигч тогтоолгох тухай	Иргэдээс ирүүлсэн 8 өргөдлийг хянаж үзэж, дүүргийн Засаг даргын 2024 оны Асран хамгаалагч, харгалзан дэмжигч тогтоох тухай А/36, А/37, А/133, А/141, А/175, А/226, А/232, А/266 захирамжуудыг гарган, асран хамгаалагч, харгалзан дэмжигчидтэй хамтран ажиллах гэрээ байгуулж, хэрэгжилтэд хяналт тавин ажиллаж байна.
2.	Үрчлэлт тогтоох тухай	Иргэдээс ирүүлсэн 20 өргөдлийг хянан үзэж, дүүргийн Засаг даргын 2024 оны Хүүхэд үрчлүүлэх тухай А/20, А/21, А/22, А/25, А/31, А/35, А/39, А/42, А/48, А/51, А/58, А/161, А/162, А/168, А/176, А/214, А/265, А/267, А/2688 А/283 дугаар захирамжуудыг гаргаж, дүүрэг дэх Улсын бүртгэлийн хэлтэст хүргүүлсэн.
3.	Ахмад настан, хөгжлийн бэрхшээлтэй иргэнд харгалзан дэмжигч тогтоох тухай	Иргэдээс ирүүлсэн 16 өргөдлийг хянаж үзэж, дүүргийн Засаг даргын 2024 оны харгалзан дэмжигч тогтоох тухай А/02, А/11, А/12, А/29, А/38, А/40, А/57, А/89 А/117, А/218, А/220, А/221, А/262, А/263, А/264 дүгээр захирамжуудыг гарган асран хамгаалагч, харгалзан дэмжигчидтэй хамтран ажиллах гэрээ байгуулж, хэрэгжилтэд хяналт тавин ажиллаж байна.
4	Ахмадын асрамжийн төвд асруулах тухай	Батсүмбэр дэх ахмад настны асрамжийн газрын нийгмийн ажилтан Мөнхзултай 2024 оны 06 дугаар сарын 05-ны өдрийн 09 цагт холбогдон Л.Ганзэдэмийг асрамжийн газар шилжүүлэх асуудлаар ярьсан бөгөөд 2024 оны УИХ-ын сонгуулийн улмаас шилжилт хөдөлгөөн хаагдсан байгаа тул одоогоор ахмад настан хүлээж авах боломжгүй ба шилжилт хөдөлгөөн нээгдсэний дараа хүлээж авах талаар ярьсан бөгөөд энэ талаар 11 дүгээр хорооны зохион байгуулагч Д.Нацагбадам болон хүсэлт өгсөн иргэнд 90997979 утсаар холбогдон мэдэгдлээ.
5	Гэр хүссэн	1. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/85 дугаар захирамжаар 12 дугаар хорооны иргэн

	<p>Г.Одонбатад 6,000,000 төгрөгийн үнэ бүхий 5 ханатай гэр олгохоор шийдвэрлэсэн. Иргэн Г.Одонбаттай 2024 оны 03 дугаар сарын 19-ний өдрийн 15:30 цагт 88171077 утсаар холбогдон мэдэгдсэн.</p> <ol style="list-style-type: none">2. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/88 дугаар захирамжаар 15 дугаар хорооны иргэн Ч.Оюунчимэгт 6,000,000 төгрөгийн үнэ бүхий 5 ханатай гэр олгохоор шийдвэрлэсэн. Иргэн Ч.Оюунчимэгтэй 2024 оны 03 дугаар сарын 19-ний өдрийн 15:30 цагт утсаар холбогдон мэдэгдсэн.3. Сүхбаатар дүүргийн Засаг даргын 2024 оны 05 дугаар 09-ний өдрийн А/180 дугаар захирамжаар 19 дүгээр хорооны иргэн Я.Нямсүрэнд 6,000,000 төгрөгийн 5 ханатай иж бүрэн гэр олгохоор шийдвэрлэсэн.4. Сүхбаатар дүүргийн Засаг даргын 2024 оны 05 дугаар 09-ний өдрийн А/182 дугаар захирамжаар 15 дугаар хорооны иргэн Г.Хилийнчимэгт 6,000,000 төгрөгийн 5 ханатай иж бүрэн гэр олгохоор шийдвэрлэсэн.5. 17 дугаар хорооны иргэн Н.Мөнхцэцэгийн гэр хүссэн хүсэлтийн дагуу судалж шийдвэрлэх боломжгүй гэх хариуг өгсөн6. 17 дугаар хорооны иргэн Г.Амаржаргалын гэр хүссэн хүсэлтийн дагуу судалж шийдвэрлэх боломжгүй гэх хариуг өгсөн.7. Сүхбаатар дүүргийн Засаг даргын 2024 оны 05 дугаар 09-ний өдрийн А/183 дугаар захирамжаар 12 дугаар хорооны иргэн Б.Нарангэрэлд 6,000,000 төгрөгийн 5 ханатай иж бүрэн гэр олгохоор шийдвэрлэсэн.8. Дүүргийн 19-р хорооны иргэн Б.Саруултуяад9. Дүүргийн 12 дүгээр хорооны иргэн Р.Лхагвадоржийн гэр хүссэн хүсэлтийн дагуу Хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.10. Дүүргийн 11 дүгээр хорооны иргэн О.Оюундарийн гэр хүссэн хүсэлтийн дагуу хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.
--	--

		<p>11. Дүүргийн 12 дугаар хорооны иргэн Ч.Цэцэгмаагийн гэр хүссэн хүсэлтийн дагуу хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.</p> <p>12. Дүүргийн 11 дүгээр хорооны иргэн И.Норжишсүрэнгийн гэр хүссэн хүсэлтийн дагуу хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.</p> <p>13. 17 дугаар хорооны Засаг даргын ажлын албаар 2024 оны 03 дугаар сарын 26-ны өдөр гэр бүл нөхцөл байдлын үнэлгээ хийлгэсэн. Засаг даргын Зөвлөлийн хурлаар орж шийдвэрлэхээр хүлээгдэж байна.</p> <p>14. 17 дугаар хорооны Засаг даргын ажлын албаар 2024 оны 03 дугаар сарын 26-ны өдөр гэр бүл нөхцөл байдлын үнэлгээ хийлгэсэн. Засаг даргын Зөвлөлийн хурлаар орж шийдвэрлэхээр хүлээгдэж байна.</p>
6	<p>Буцалтгүй мөнгө, яаралтай тусламж, эмчилгээ, нийгмийн халамж хүссэн</p>	<p>Эмчилгээний төлбөрт дэмжлэг хүссэн 8</p> <ol style="list-style-type: none"> 1. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/77 дугаар захирамжаар 12 дугаар хорооны иргэн Э.Хулангийн ээж Л.Сарангуагийн эмчилгээний зардалд 5,000,000 төгрөгийн дэмжлэг үзүүлсэн. Иргэн Э.Хулантай 2024 оны 03 дугаар сарын 19-ний өдрийн 15:00 цагт 85190186 утсаар холбогдон мэдэгдсэн. 2. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/78 дугаар захирамжаар 11 дүгээр хорооны иргэн Б.Анармаагийн охин Х.Маралмаагийн эмчилгээний зардалд 5,000,000 төгрөгийн дэмжлэг үзүүлсэн. Иргэн Б.Анармаатай 2024 оны 03 дугаар сарын 19-ний өдрийн 15:02 цагт 89968797 утсаар холбогдон мэдэгдсэн. 3. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/79 дүгээр захирамжаар 11 дүгээр хорооны иргэн Д.Одонтунгалагийн хүү Т.Тэмүүлэнгийн эмчилгээний зардалд 5,000,000 төгрөгийн дэмжлэг үзүүлсэн. Иргэн Д.Одонтунгалагтай

		<p>2024 оны 03 дугаар сарын 19-ний өдрийн 15:05 цагт 85190186 утсаар холбогдон мэдэгдсэн.</p> <ol style="list-style-type: none">4. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/80 дугаар захирамжаар 17 дугаар М.Батгэрэлийн эмчилгээний зардалд 3,000,000 төгрөгийн дэмжлэг үзүүлсэн. Иргэн М.Батгэрэлтэй 2024 оны 03 дугаар сарын 19-ний өдрийн 15:08 цагт 98180809 утсаар холбогдон мэдэгдсэн.5. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/81 дүгээр захирамжаар 17 дугаар хорооны иргэн Ш.Амаржаргалын эмчилгээний зардалд 3,000,000 төгрөгийн дэмжлэг үзүүлсэн. Иргэн Ш.Амаржаргалтай 2024 оны 03 дугаар сарын 19-ний өдрийн 15:10 цагт 80251722 утсаар холбогдон мэдэгдсэн.6. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/82 дугаар захирамжаар 19 дүгээр хорооны иргэн Г.Магнайн нөхөр Т.Буянхүүгийн эмчилгээний зардалд 3,000,000 төгрөгийн дэмжлэг үзүүлсэн. Иргэн Г.Магнайтай 2024 оны 03 дугаар сарын 19-ний өдрийн 15:15 цагт 91662725 утсаар холбогдон мэдэгдсэн.7. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/83 дугаар захирамжаар 16 дугаар хорооны иргэн Ж.Наранцэцэгийн эмчилгээний зардалд 3,000,000 төгрөгийн дэмжлэг үзүүлсэн. Иргэн Ж.Наранцэцэгтэй 2024 оны 03 дугаар сарын 19-ний өдрийн 15:20 цагт 99982922 утсаар холбогдон мэдэгдсэн.8. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/84 дүгээр захирамжаар 7 дугаар хорооны иргэн Б.Норжмаагийн эмчилгээний зардалд 2,000,000 төгрөгийн дэмжлэг үзүүлсэн. Иргэн Б.Норжмаатай 2024 оны 03 дугаар сарын 19-ний өдрийн 15:25 цагт 88819814 утсаар холбогдон мэдэгдсэн.9. Б.Бат нь 66 настай эмэгтэй ам бүл 3, бага хүү, ачийн хамт өрх толгойлон амьдардаг. 2 хүүхэд нь оюутан тул санхүүгийн дэмжлэг үзүүлэхийг
--	--	--

	<p>хүссэн өргөдөл гаргасан ба үүний дагуу Нийгмийн ажилтан нөхцөл байдлын үнэлгээ хийх гэсэн боловч завгүй гэх шалтгаанаар хийлгээгүй. Утсаар холбогдож ярьтал хөдөө явж байна өгсөн хүсэлтээ буцааж авч байна гэсэн хариу өгсөн. Үүний дагуу 2024 оны 04 дүгээр сарын 11-ний өдрийн 11:20 минутад дүүргийн 502 тоотод уулзаж дүүргийн Засаг даргад хандаж гаргасан өргөдлийг нь буцааж хүлээлгэн өглөө.</p> <p>10. Засаг даргын 2024 оны 05 дугаар 09-ний өдрийн А/188 дугаар захирамжаар иргэн Б.Болдбаатарын эмчилгээний зардал 3,000,000 төгрөгийн дэмжлэг үзүүлсэн.</p> <p>11. Засаг даргын 2024 оны 05 дугаар 09-ний өдрийн А/190 дүгээр захирамжаар иргэн Ө.Нямсүрэнгийн эмчилгээний зардал 3,000,000 төгрөгийн дэмжлэг үзүүлсэн.</p> <p>12. Сүхбаатар дүүргийн Засаг даргын 2024 оны 03 дугаар сарын 19-ний өдрийн А/83 дугаар захирамжаар Цэрэндаваа эмчилгээний зардалд 3,000,000 төгрөгийн дэмжлэг үзүүлсэн.</p> <p>13. Засаг даргын зөвлөлийн 2024 оны 05 дугаар сарын 17-ны өдрийн 07 дугаар хурлаар иргэн Д.Лхагвагийн эмчилгээний зардалд 3,000,000 төгрөгийн дэмжлэг үзүүлэхээр болсон. Захирамжийн төсөлд санал авч байна.</p> <p>14. Сүхбаатар дүүргийн Засаг даргын 2024 оны 05 дугаар сарын 28-ны өдрийн А/252 дугаар захирамжаар Г.Алтанцэцэгийн эмчилгээний зардалд 3,000,000 төгрөгийн дэмжлэг үзүүлсэн.</p> <p>15. Сүхбаатар дүүргийн Засаг даргын 2024 оны 06 дугаар сарын 17-ны өдрийн А/284 дүгээр захирамжаар Ц.Пүрэвсүрэнгийн эмчилгээний зардалд 5,000,000 төгрөгийн дэмжлэг үзүүлсэн.</p> <p>16. Дүүргийн 12 дугаар хорооны иргэн Ж.Энхзаяагийн эмчилгээний төлбөрт дэмжлэг хүссэн хүсэлтийн дагуу хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.</p> <p>17. Дүүргийн 14 дүгээр хорооны иргэн Д.Аюушжавын эмчилгээний төлбөрт дэмжлэг хүссэн хүсэлтийн дагуу хорооны Засаг даргын</p>
--	---

		<p>ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.</p> <p>18. Дүүргийн 12 дугаар хорооны иргэн А.Ариунжаргалын мөнгөн тусламж хүссэн хүсэлтийн дагуу хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.</p> <p>19. Дүүргийн 9 дүгээр хорооны иргэн Ж.Цэцгээгийн мөнгөн тусламж хүссэн хүсэлтийн дагуу хорооны Засаг даргын ажлын албаар нөхцөл байдлын үнэлгээ хийлгэхээр шилжүүлсэн ба холбогдох баримт бичгийг нь бүрдүүлж байна.</p> <p>20. Б.Бат нь 66 настай эмэгтэй ам бүл 3, бага хүү, ачийн хамт өрх толгойлон амьдардаг. 2 хүүхэд нь оюутан тул санхүүгийн дэмжлэг үзүүлэхийг хүссэн өргөдөл гаргасан ба үүний дагуу Нийгмийн ажилтан нөхцөл байдлын үнэлгээ хийх гэсэн боловч завгүй гэх шалтгаанаар хийлгээгүй. Утсаар холбогдож ярьтал хөдөө явж байна өгсөн хүсэлтээ буцааж авч байна гэсэн хариу өгсөн. Үүний дагуу 2024 оны 04 дүгээр сарын 11-ний өдрийн 11:20 минутад дүүргийн 502 тоотод уулзаж дүүргийн Засаг даргад хандаж гаргасан өргөдлийг нь буцааж хүлээлгэн өглөө.</p>
7	Тэмцээний зардалд дэмжлэг хүссэн	<ol style="list-style-type: none"> 1. Дүүргийн 13-р хорооны иргэн Г.Гансүхийн хүү Б.Гүндалай Арабын Нэгдсэн Эмират Улсын Абу Даби хотноо зохиогдсон Жюү Жицүгийн Азийн аварга шалгаруулах тэмцээнд оролцоход нь дүүргийн Засаг даргын 2024 оны 05 дугаар сарын 09-ний өдрийн А/184, захирамжаар 3 сая төгрөгийн дэмжлэг үзүүлсэн. 2. Дүүргийн 13-р хорооны иргэн Н.Оюунжаргалын хүү Б.Түвшинбаяр Арабын Нэгдсэн Эмират Улсын Абу Даби хотноо зохиогдсон Жюү Жицүгийн Азийн аварга шалгаруулах тэмцээнд оролцоход нь дүүргийн Засаг даргын 2024 оны 05 дугаар сарын 09-ний өдрийн А/185 захирамжаар 3 сая төгрөгийн дэмжлэг үзүүлсэн. 3. Дүүргийн 13-р хорооны иргэн Я.Эрдэнэзулын хүү Г.Чинхүслэн Арабын Нэгдсэн Эмират Улсын Абу Даби хотноо зохиогдсон Жюү Жицүгийн Азийн

		<p>аварга шалгаруулах тэмцээнд оролцоход нь дүүргийн Засаг даргын 2024 оны 05 дугаар сарын 09-ний өдрийн А/186 захирамжаар 3 сая төгрөгийн дэмжлэг үзүүлсэн.</p> <p>4. Дүүргийн 13-р хорооны иргэн Б.Даваа-Очирбын хүү Д.Чингүнжав Арабын Нэгдсэн Эмират Улсын Абу Даби хотноо зохиогдсон Жюу Жицүгийн Азийн аварга шалгаруулах тэмцээнд оролцоход нь дүүргийн Засаг даргын 2024 оны 05 дугаар сарын 09-ний өдрийн А/187 захирамжаар 3 сая дэмжлэг үзүүлсэн.</p> <p>5. Дүүргийн 13 дугаар хорооны иргэн Д.Наранхүү, нь хүүхдийнхээ тэмцээний зардалд дэмжлэг үзүүлсэнд талархал ирүүлснийг хүлээн авч, удирдлагуудад танилцуулсан.</p> <p>6. Дүүргийн 13 дугаар хорооны иргэн Н.Оюунжаргал нь хүүхдийнхээ тэмцээний зардалд дэмжлэг үзүүлсэнд талархал ирүүлснийг хүлээн авч, удирдлагуудад танилцуулсан</p> <p>7. Дүүргийн 7 дугаар хорооны иргэн Ариунболдын охин А.Аялгуу, А.Мишээл нар нь 07 дугаар сарын 05-11-ний өдрийн хооронд Итали Улсын Сицилийн аралд зохион байгуулагдах төгөлдөр хуурчдын Олон Улсын тэмцээнд оролцоход дэмжлэг хүссэн тул өргөдлийг судлаж байна.</p> <p>8. Дүүргийн 6 дугаар хорооны иргэн Э.Цолмонтуяа тэмцээний зардалд дэмжлэг хүссэн тул өргөдлийг судалж байна.</p> <p>9. Дүүргийн 11 дүгээр хорооны иргэн Л.Банзрагч тэмцээний зардалд дэмжлэг хүссэн тул өргөдлийг судалж байна.</p>
8	Талархал	СБД-ийн Засаг дарга Болормаад талархал илэрхийлсэн 4 өргөдөл байна.
9	Ерөнхий боловсролын үйлчилгээний тухай	Боловсролын ерөнхий хуулийн 28 дугаар зүйлийн 28.8 дахь заалтын дагуу ерөнхий боловсролын 1 дүгээр сургуулийн хамран сургах тойргийг тус дүүргийн 1 дүгээр хорооны нутаг дэвсгэрийн хүрээнд Нийслэлийн Боловсролын газрын даргын 2023 оны 06 дугаар сарын 23-ны өдрийн А/48 дугаар тушаалаар тогтоосон. Иймд хамран сургах тойргийн бус буюу Баруун чиглэлд сургуулийн автобусны үйлчилгээ үзүүлэх боломжгүй байна.

10	Барилга, байгууламж барих, өргөтгөх тухай	Сүхбаатар дүүргийн 13-р хорооны нутаг дэвсгэр 159 дүгээр сургуулийн зүүн талд дүүргийн эмнэлэг, зүүн урд талд 248-р цэцэрлэгийн өргөтгөл баригдаж байгаатай холбогдуулан багш, ажилтны машин тавьдаг байрлалд түр зуурын хүндрэл гарч хаасан. Сургуулийн зүүн хэсгийн гарцыг 2024 оны 05 дугаар сарын 27-ны өдөр нээж, сургуулийн багш, ажилтнуудын машины зогсоолтой холбоотой гомдлыг шийдвэрлэсэн.
11	Нийтийн эд аж ахуйн ашиглалт, үйлчилгээний тухай	<ol style="list-style-type: none"> 1. Нийслэлийн Иргэдийн Төлөөлөгчдийн Хурлын 2022 оны Нийгмийн дэд бүтцэд хамаарах хотын стандарт батлах тухай 19 дүгээр тогтоолоор Ерөнхий боловсролын сургуулийн гадна орчинд тавигдах ерөнхий шаардлага стандарт баталсан. Тус 4 дүгээр сургуулийн сагсан бөмбөгийн талбайн хажууд айл, өрхүүдийн өндөр хүчдэлийн шугам байрлаж буйгаас шатгаалж, сагсан бөмбөгийн талбайг ашиглах боломжгүй болж, өдий хүртэл ашиглаагүй байна. Мөн хөлбөмбөгийн талбайг буулгаж, 2024 оны улсын төсвийн хөрөнгө оруулалтаар өргөтгөлийн барилга барихаар тендер шалгаруулалтын ажил хийгдэж байна. Иймд дээрх 2 шалтгааны улмаас сагс, хөл бөмбөгийн талбайг ашиглах боломжгүй байна. 2. Нийслэлийн Иргэдийн Төлөөлөгчдийн Хурлын 2022 оны Нийгмийн дэд бүтцэд хамаарах хотын стандарт батлах тухай 19 дүгээр тогтоолын дагуу 69 дүгээр цэцэрлэгийн гадна ногоон байгууламжийг нэмэгдүүлэх ажлыг зохион байгуулахаар 2024 оны 6 дугаар сард түр хугацаагаар хаасан. Цаашид оршин суугчдын хүүхэд тоглох боломжийг бүрдүүлэн тоглоомын талбайгаа нээж ажиллах болно. 3. -Нийслэлийн Иргэдийн Төлөөлөгчдийн Хурлын 2022 оны Нийгмийн дэд бүтцэд хамаарах хотын стандарт батлах тухай 19 дүгээр тогтоолын дагуу тус цэцэрлэгийн гадна ногоон байгууламжийг нэмэгдүүлэх ажлыг зохион байгуулахаар 2024 оны 6 дугаар сард түр хугацаагаар хаасан. Цаашид оршин суугчдын хүүхэд тоглох боломжийг бүрдүүлэн тоглоомын талбайгаа нээж ажиллах болно.

		<p>-Нийслэлийн Иргэдийн Төлөөлөгчдийн Хурлын 2022 оны Нийгмийн дэд бүтцэд хамаарах хотын стандарт батлах тухай 19 дүгээр тогтоолын дагуу тус цэцэрлэгийн гадна ногоон байгууламжийг нэмэгдүүлэх ажлыг зохион байгуулахаар 2024 оны 6 дугаар сарын 01-10-ны хооронд хааж, иргэдийн хүсэлтийн дагуу тоглоомын талбайгаа 10-ны өдрөөс нээсэн болно.</p>
12.	Том оврын тээврийн хэрэгслийн зөрчлийн тухай	<p>Хөдөлмөрийн аюулгүй байдал, эрүүл ахуйн тухай хуулийн 25 дугаар зүйлийн 25.2.2 дэх заалт, 29 дүгээр зүйлийн 29.2 дахь хэсэгт заасны дагуу (25.2.2. үйлдвэрлэлийн осол, аюултай, хортой хүчин зүйлийн нөлөөллөөс иргэдийг хамгаалах, сэрэмжлүүлэхэд чиглэсэн арга хэмжээнд байгууллага, аж ахуйн нэгж, иргэнийг татан оролцуулах ажлыг зохион байгуулах; 29.2.Ажил олгогч нь үйлдвэрлэлийн осол, хурц хордлого гарах бүрд Засгийн газраас тогтоосон журмын дагуу осол, хурц хордлогыг тогтоох, судлан бүртгэх үүрэгтэй бөгөөд осол, хурц хордлогын шалтгааныг тогтоох акт, дүгнэлт гаргах үүрэг бүхий орон тооны бус байнгын комиссыг байгуулж ажиллуулна) “Хонгор бээс транс” компани нь хохирлыг барагдуулах үүрэгтэйг иргэнд 99201022 утсаар мэдээлэл, зөвлөгөө өгсөн. Сүхбаатар дүүргийн Засаг даргын 2023 оны А/441 дүгээр захирамжаар байгуулагдсан Үйлдвэрлэлийн осол, хурц хордлогыг судлан бүртгэх орон тооны бус байнгын комисст өргөдлийг танилцуулж, дүүргийн Хөдөлмөр, халамжийн үйлчилгээний хэлтсийн Хөдөлмөрийн хяналтын мэргэжилтэн, Улсын байцаагч (Ч.Отгонжаргал 96071918) мэргэжил, аргазүйн чиглэл өгч, хариуцан ажилласан.</p>

Хүүхдийг үрчлүүлэх 20, асран хамгаалагч, харгалзан дэмжигч томилох 8 шийдвэр тус тус гаргаж, хүүхдийн эрхийг хангаж ажилласан. Хөгжлийн бэрхшээлтэй, ахмад настай 16 иргэнд харгалзан дэмжигч томилох шийдвэр гаргаж эрхийг нь хангаж ажилласан.

Өөрийн гэсэн гэр оронгүй, гэнэтийн давагдашгүй хүчин зүйлийн улмаас орон гэргүй болсон 7 өрхөд Засаг даргын шийдвэрээр гэр олгож, амьдралын чанарт дэмжлэг үзүүлсэн.

Буцалтгүй мөнгөн тусламж хүссэн 14 иргэнд дүүргийн Засаг даргын захирамжаар нийт 48 сая төгрөгний буцалтгүй мөнгөн тусламж олгож, эрүүл мэнд болон хүний хөгжлийг дэмжсэн үйл ажиллагааг зохион байгуулсан.

Хүнс, худалдаа үйлчилгээний чиглэлээр:

Тус хэлтэст эхний хагас жилийн байдлаар иргэдээс ирүүлсэн өргөдөл гомдлын ихэнх хувийг ТҮЦ-ийг нүүлгэн шилжүүлэх, хориглосон бүсэд орж ирсэн малыг гаргах, ил задгай худалдааг цэгцлэх, хоол үйлдвэрлэлийн газруудын үйл ажиллагаанд хяналт тавих зэрэг асуудлууд эзэлж байна. Иргэдийн гомдлыг барагдуулах чиглэлээр дараах ажлуудыг хийж гүйцэтгэлээ. Үүнд:

- Дүүргийн Засаг даргын 2024 оны 05 дугаар сарын 10-ны Түргэн үйлчилгээний цэгүүдийг нүүлгэж, нийтийн эзэмшлийн зам, талбайг чөлөөлөх тухай А/212 дугаар захирамжийн хүрээнд нийт 14 ТҮЦ-ийг чөлөөлөн нийтийн эзэмшлийн зам талбай чөлөөлсөн.

- Дүүргийн нутаг дэвсгэрт зөвшөөрөлгүй, ил задгай худалдаа эрхэлж буй иргэдийн үйл ажиллагаатай холбоотой 15 удаагийн гомдол мэдээллийн дагуу хороодын Засаг даргын ажлын алба, Сүхбаатар дүүргийн Замын цагдаагийн хэлтэс, Нийслэлийн Хүнс, хөдөө, аж ахуй газар, Нийслэлийн Эрүүл мэндийн газруудтай хамтарч 6 удаа хяналт, шалгалтыг зохион байгуулж, шаардах хуудас болон зөвлөмж мэдээллийг хүргүүлэн ажилласан.

- Орон сууцны 1 давхарт үйл ажиллагаа явуулж буй хоол үйлдвэрлэлийн газруудын агааржуулалтын хоолой, моторын дуу чимээ, утаа, хиншүү, хурц үнэр их байгаа болон орчны эрүүл ахуйн шаардлага хангагдахгүй, хортон шавж, мэрэгчтэй холбоотой ирүүлсэн гомдлуудыг чиг үүргийн дагуу Хяналт шалгалтын газар, Нийслэлийн Эрүүл мэндийн газар, Нийслэлийн Хүнс, хөдөө, аж ахуй газруудад уламжлан, албан бичиг хүргүүлж, холбогдох газруудаас хийсэн шалгалтын дүн мэдээг авч ажиллалаа.


- Дүүргийн нутаг дэвсгэрт авто угаалгын чиглэлээр үйл ажиллагаа эрхэлж буй иргэн, аж ахуй нэгж, байгууллагуудад “Авто тээврийн тухай” хууль, түүнтэй нийцүүлэн гаргасан дүрэм, журам, Зам тээврийн хөгжлийн сайдын 2022 оны А/112 дугаар тушаалаар батлагдсан “Авто үйлчилгээний байгууллагад ангилал тогтоох журам”, Авто үйлчилгээнд тавих. Ерөнхий шаардлага MNS5025:2020, Автомашин угаалгын үйлчилгээ. Ангилал, Ерөнхий шаардлага” MNS 5347:2003 стандартын хэрэгжилтийг хангуулах, зөвлөн туслахад хяналт, шалгалтыг Нийслэлийн нийтийн тээврийн газар, Ус сувгийн удирдах газартай хамтран 2024 оны 04 дүгээр сарын 03-05-ны өдрүүдэд 1-20 дугаар хороодын 26 иргэн, аж ахуй нэгжийг хамруулж, зөвлөн туслах үйлчилгээ үзүүллээ.

- Нийслэлийн Засаг даргын 2024 оны А/367 дугаар захирамжийн хэрэгжилтийг хангах ажлын хүрээнд дүүргийн 14 дүгээр хороо 7 буудлаас 6 дугаар хороо, Их сургуулийн уулзвар хүртэлх авто засварын чиглэлээр үйл ажиллагаа явуулж буй газруудад холбогдох хууль тогтоомж, дүрэм, журам, норм, стандартыг зөрчсөн зөрчлийг арилгуулах ажлын хэсгийн нэгдүгээр ажлын хэсэг 2024 оны 04 дүгээр сарын 12-17-ний өдрүүдэд холбогдох газруудтай хамтран хяналт, шалгалтад хамрагдсан 8 иргэн, 25 ААН-д 14 хоногийн хугацаатай улсын байцаагчийн зөвлөмжийг хүргүүлж, хэрэгжилтийг хангуулан ажиллаж байна.

- Нийслэлийн Засаг даргын 2024 оны А/07, дүүргийн Засаг даргын 2024 оны Үйл А/08, А/95 дугаар захирамжуудын хүрээнд Улаанбаатар хотын Ерөнхий менежерийн 2023 оны 12 дугаар сарын 08-ны өдөр баталсан “Нийслэлийн мал аж ахуй эрхлэхийг хориглосон бүсээс мал гаргах хуваарь”-ийн дагуу дүүргийн дэд ажлын хэсэг хяналт шалгалтын ажлыг тогтмол явуулж, хориглосон бүсээс 2036 толгой малыг гаргаж, суурин малтай 18 өрхөд Мэдэгдэл, шаардлага хүргүүлж, Зөрчлийн тухай хуулийн дагуу 9 иргэнд 9,250,000 сая төгрөгийн торгуулийн арга хэмжээ авч, 8 иргэнд зөрчлийн хэрэг нээж, хяналт шалгалтад давхарсан тоогоор 1582 албан хаагчид ажиллаж, дүүргийн Засаг даргын 2 удаагийн захирамжаар 29,748,150 төгрөг гаргаж, мал туухад оролцсон албан хаагчдын хоол, тээврийн

хэрэгслийн бензины болон бусад зардлын асуудлыг шийдвэрлэсэн. Цагдаагийн 1, 2 дугаар хэлтэс, Хороодын ажлын албатай хамтран хориглосон бүсэд орж ирсэн малыг гаргах, эздийг олж тогтоох ажлын зохион байгуулж өдөр тутам хяналт тавьж байна.

ХЯНАСАН: ТӨРИЙН ЗАХИРГААНЫ УДИРДЛАГЫН
ХЭЛТСИЙН ДАРГА



В.ГОМБОДОРЖ

ТАЙЛАН ГАРГАСАН: ТӨРИЙН ЗАХИРГААНЫ УДИРДЛАГЫН
ХЭЛТСИЙН МЭРГЭЖИЛТЭН



Д.ЧИМЭДДУЛАМ